



Broj: 01-05- 3075-1 /16
Sarajevo, 21.06.2016. godine

GRADSKO VIJEĆE GRADA SARAJEVA
N/r gosp. Suljo Agić, predsjedavajući

Bosna i Hercegovina-Federacija Bosne i Hercegovine
Kanton Sarajevo - GRAD SARAJEVO
GRADSKO VIJEĆE


PRIMLJENO: 22-06-2016			
Org. jed.	broj	Prilog	Vrijednost
01-05-	1055/16		JPP

Predmet: Dostava akta broj: 01-05-3075/16 od 21.06.2016. godine sa priložima i akta Pravobranilaštva Grada Sarajeva broj: 01-08-Gp-37-1/16 od 20.06.2016. godine

Poštovani gosp. Agić,

Postupajući po Zaključku 3, tačka 7 „Informacija o nepokretnoj imovini koja je u vlasništvu Grada Sarajeva ili sa kojom Grad upravlja ili raspolaže, te nepokretnom imovinom u koju je u proteklom periodu Grada Sarajevo ulagao budžetska sredstva“, koji je donesen na sjednici Administrativne komisije Gradskog vijeća održane 14.06.2016. godine (Zapisnik broj: 02-02-993/16), u prilogu dopisa dostavljam akt broj: 01-05-3075/16 od 21.06.2016. godine sa priložima i akt Pravobranilašta Grada Sarajeva broj: 01-08-Gp-37-1/16 od 20.06.2016. godine.

S poštovanjem,



Gradonačelnik
[Signature]
Prof. dr. Ivo Komšić

Prilozi:

- Sporazum o davanju na korištenje Komplexa „Bijela Tabija“ sa pripadajućim zemljištem, Općina Stari Grad - Sarajevo, nad kojom je nosilac prava raspolaganja Vlada Federacije BiH, Gradu Sarajevu broj: 01-40-4392/06 od 07.09.2006. godine;
- Zapisnik o primopredaji lokacije Bijela tabija broj: 01-40-4392-1/06 od 07.09.2006. godine ;
- Akt Kantonalnog Zavoda za zaštitu kulturno-historijskog i prirodnog naslijeđa Sarajevo broj: RA-138/16 od 02.02.2016. godine



Broj: 01-05- 3075-1 /16
Sarajevo, 21.06.2016. godine

GRADSKO VIJEĆE GRADA SARAJEVA

N/r gosp. Suljo Agić, predsjedavajući

Predmet: Dopuna Informacije o nepokretnoj imovini koja je u vlasništvu Grada Sarajeva ili sa kojom Grad upravlja ili raspolaže, te nepokretnom imovinom u koju je u proteklom periodu Grada Sarajevo ulagao budžetska sredstva, u skladu sa Zaključkom Administrativne komisije Gradskog vijeća, koji je donesen na sjednici održanoj 14.06.2016. godine

Poštovani gosp. Agić,

Postupajući po Zaključku 3, tačka 7 „Informacija o nepokretnoj imovini koja je u vlasništvu Grada Sarajeva ili sa kojom Grad upravlja ili raspolaže, te nepokretnom imovinom u koju je u proteklom periodu Grada Sarajevo ulagao budžetska sredstva“, koji je donesen na sjednici Administrativne komisije Gradskog vijeća održanoj 14.06.2016. godine (Zapisnik broj: 02-02-993/16), dostaljam tražene informacije kako slijedi:

Lokalitet i objekt Bijela tabija:

Bijela tabija u Sarajevu je Odlukom Komisije za očuvanje nacionalnih spomenika BiH upisana na **Privremenu listu nacionalnih spomenika pod rednim brojem 537.** („Službeni glasnik Bosne i Hercegovine“, broj 33/02). Komisija za očuvanje nacionalnih spomenika, na sjednici održanoj od 15. do 21. marta 2005. godine donijela je **Odluku kojom se Graditeljska cjelina – Stari grad Vratnik u Sarajevu proglašava nacionalnim spomenikom Bosne i Hercegovine** („Službeni glasnik BiH“, broj 20/08).

Nacionalni spomenik čine: ostaci zidova starog grada sa **tabijama**, kapi-kulama i kapijama i pronađeno pokretno naslijeđe na tom području, koje se nalazi u Kantonalnom zavodu za zaštitu kulturno-historijskog i prirodnog naslijeđa Sarajevo i u Zemaljskom muzeju Bosne i Hercegovine u Sarajevu. Ovom Odlukom definisano je sljedeće:

-Vlada Federacije Bosne i Hercegovine dužna je da obezbijedi pravne, naučne, tehničke, administrativne i finansijske mjere za zaštitu, konzervaciju i prezentaciju nacionalnog spomenika.

Odlukom Vlade Federacije BiH o davanju na korištenje nekretnina na kojima je nosilac prava upravljanja i korištenja Federalno ministarstvo odbrane i Vojska Federacije BiH, broj 739/05 od 15.12.2005. godine („Službene novine Federacije BiH“, broj 74/05), **kompleks Bijela Tabija data je Gradu Sarajevu na korištenje bez naknade.**

Ministarstvo odbrane – obrane BiH, aktom broj 11-03-2372-1/06 od 02.06.2006. godine, **dalo je Saglasnost** na navedenu Odluku Vlade FBiH, s obzirom da je kompleks Bijela tabija proglašena kao neperspektivna vojna lokacija.

07. septembra 2006. godine potpisan je **Sporazum** između Vlade Federacije BiH, kao nosioca prava raspolaganja, i Grada Sarajeva, o davanju na korištenje kompleksa Bijela tabija sa pripadajućim zemljištem, nakon čega je izvršena i primopredaja lokacije.

Lokalitet Bijele tabije se nalazi u obuhvatu Regulacionog plana „Vratnik“ („Službene novine Kantona Sarajevo“, 7/99 i 20/9). Međutim kompleks tabije kao vojne lokacije, nije detaljno tretiran kroz izradu ovog planskog dokumenta. Potrebno je izvršiti izmjene plana, izradom urbanističkog projekta za lokalitet Bijele tabije u koji će se implementirati Idejni projekat akademika Zlatka Ugljena. Nakon izmjene provedbeno planske dokumentacije, potrebno je uraditi i izvedbeni projekat prema Idejnom projektu koji bi sadržavao niz sadržaja (tabija sa scenom, gledalištem i pratećim sadržajima, recepciju sa prodavnicom suvenira, **ugostiteljski sadržaji**, objekti za trgovinu i turizam itd).

Bitno je napomenuti da u cilju zaštite saniranih dijelova objekta i trenutno nezaštićenih zidnih struktura koji su dio arheološkog lokaliteta Zavod za zaštitu kulturno-historijskog i prirodnog naslijeđa Kantona Sarajevo kao voditelj sanaciono-restauarskih radova za korištenje prostora sugerisa i određene mjere zaštite (dopis: RA-138/16 od 02.02.2016.g), i to napr.:

- kao rezultat arheoloških iskopavanja u unutrašnjosti objekta nalaze se trenutno otvorene i nezaštićene arheološke sonde (neke sonde su duboke i do 5,0 m) na kojima su planirani konzervatorski radovi, kretanje ljudi i instalisanje eventualne opreme treba organizirati maksimalno pažljivo, te se ne upuštati u korištenje prostora na navedenim mjestima;
- i druge

Smatramo da je u ovom momentu preuranjeno korištenje lokaliteta Bijele tabije za postavljanje ljetnih bašti. Takođe, pitanje komunalne infrastrukture (voda, kanalizacija, otpadne vode, struja) za korištenje tabije- postavljanje ljetnih bašti je upitno.

Javni WC u Općini Stari Grad

Grad Sarajevo nije ulagao budžetska sredstva u javne WC-e na području općine Stari Grad Sarajevo, niti imamo informacije u čijem su vlasništvu, ko ih održava i ko upravlja njima.

Činjenica je da su gradskom Odlukom o izgradnji, rekonstrukciji i održavanju javnih česmi i fontana, javnih kupatila i javnih nužnika trebali biti obuhvaćeni komunalni objekti u vlasništvu, odnosno nadležnosti Grada, koje su Grad, Kanton i gradske općine izgradili, ili obnovili.

Uslov za preuzimanje obaveza Grada, vezano za pružanje ove komunalne usluge, koja nije samo plaćanje računa nego i održavanje komunalnih objekata, je zaključivanje Sporazuma o prenosu nadležnosti na Grad Sarajevo.

U Gradskoj upravi Grada Sarajeva je u 2015. godini pripremljen nacrt Sporazuma, ali ga gradske općine nisu prihvatile.

Obzirom da Sporazum nije nikada zaključen, a prenos nadležnosti na Grad nije izvršen, Grad ne može upravljati, a nema ni obavezu održavanja, za komunalne objekte koje su Kanton Sarajevo ili gradske općine izgradile, odnosno obnovile.

Takođe, nemamo obavezu ni prema komunalnim objektima koji imaju drugog titulara.

S poštovanjem,



Gradonačelnik
Prof. dr. Ivo Komšić



Broj: 01-08-Gp-37-1/16
Sarajevo, 20.06.2016. godine

SLUŽBA ZA OPĆU UPRAVU
-ovdje-

PREDMET: Dostava podataka u funkciji dopune Informacije o nepokretnoj gradskoj imovini
Poziv na akt Gradske uprave broj: 03-512/16 od 16.06.2016. godine

Poštovani,

Postupajući po aktu Gradske uprave, broj i datum gornji, a u vezi je sa Zapisnikom sa sjednice Administrativne komisije Gradskog vijeća od 14.06.2016. godine, te Zaključkom 3. Zapisnika, Pravobranilaštvo Grada za potrebe objedinjavanja i dopune Informacije o gradskoj nepokretnoj imovini prije njenog upućivanja na razmatranje Gradskom vijeću dostavlja sljedeće podatke:

1. Kompleks Bijela tabija

Prema stanju u zemljišnim knjigama predmetni lokalitet je Državno vlasništvo, a nosilac prava raspolaganja, odnosno korištenja, nad istim je Državni Sekretarijat za poslove narodne odbane F.N.R.J., odnosno SFRJ- Savezni sekretarijat za narodnu odbranu, sa 1/1 dijela.

Riječ je o zamljištu označeno kao kč: 33, 3, 90, 5 i 7 KO: Sarajevo- Mahala, upisano u Zk ul br: XC/12 i XC/53 - starog premjera, u površini od 15.180 m².

Prema stanju u katastarskim operatima (posjedovno stanje) predmetni lokalitet je posjedništvo Saveznog sekretarijata za narodnu odbranu Sarajevo sa 1/1 dijela i označeno je kao kč: 3255, KO: Sarajevo II – novog premjera, po kulturi Tvrđava, u površini od 15.180 m².

Prema Odluci Komisije za očuvanje nacionalnih spomenika u Bosni i Hercegovini Kompleks je upisan na Privremenu listu nacionalnih spomenika pod rednim brojem 537. („Sl.glasnik BiH“, broj: 33/02).

U toku 2005. godine Odlukom Vlade Federacije BiH, broj: V739/05 (15.12.2015. godine), Kompleks Bijela tabija je dat na korištenje Gradu Sarajevo bez naknade, na što je saglasnost dalo Ministarstvo odbrane BiH, broj: 11-03-2372-1/06 od 02.06.2006. godine imajući u vidu da je riječ o neperspektivnoj vojnoj imovini.

Dana 07.09.2006. godine Grad Sarajevo je potpisao Sporazum sa Vladom Federacije BiH (kao nosiocem prava raspolaganja) o davanju na korištenje Komplexa Bijela tabija sa pripadajućim zamljištem, uz napomenu da je uvođenjem u posjed Grad u obavezi Komplex održavati i voditi brigu shodno njegovom značaju, odnosno shodno činjenici da riječ o kulturno-historijskom spomeniku

Dakle, pomenuti Komplex je u sadašnjim okolnostima u posjedu (faktičkoj vlasti) Grada Sarajevo na osnovu valjanih pravnih akata i odluka nadležnih organa odlučivanja o njegovoj pravnoj sudbini i o njemu u kontinuitetu vodi brigu sa pažnjom dobrog domaćina.

Kako je Komplex Bijela tabija obuhvaćan Zakonom o privremenoj zabrani raspolaganja državnom imovinom („Sl.glasnik BiH“, br: 32/05, 17/06, 32/06, 100/06, 10/07 i 44/07), ali se u okviru Ministarstva odbrane Bosne i Hercegovine nalazi na spisku „neperspektivne imovine“, Pravobranilaštvo Grada Sarajevo je, aktom broj : 01-08-Gp-45-3/13 od 10.09.2013. godine, shodno odredbama člana 2. pomenutog Zakona zatražilo od Vijeća ministara BiH-Komisije za državnu imovinu pokretanje odgovarajućeg postupka izuzimanja iz privremene zabrane raspolaganja Komplexom Bijela tabija kako bi se stvorile pravne pretpostavke za sticanje određenih vlasničkih prava nad istim u korist Grada, s obzirom na činjenicu da je Grad Sarajevo po postojećim odlukama imao određena ograničena korisnička prava nad istim.

Postupak pred Vijećem ministara BiH, odnosno Komisijom još uvijek nije okončan i pored toga što je Pravobranilaštvo u više navrata insistiralo na donošenju konačne odluke Vijeća.


Imajući u vidu sve naprijed navedeno potpuno je nespojiv prijedlog Administrativne komisije za stvaranje mogućnosti ustupanja na korištenje trećim licima predmetnog lokaliteta za postavljanje ljetnih bašti na bilo koji način jer Komplex Bijela tabija po svojoj svrsi i značaju ne može biti predmetom predložene komercijalne upotrebe sve dok se drugačije ne odluči donošenjem Zakona o državnoj imovini, odnosno Zakona o vojnoj imovini i to na nivou države Bosne i Hercegovine.

2. Javni WC u Općini Stari Grad

Pravobranilaštvo ne raspolaže bilo kakvim podacima o korisničkim, upravljačkim ili vlasničkim pravima Grada nad Javnim WC u Općini Stari Grad, niti raspolaže o bilo kakvim podacima o njegovom pravnom statusu prema stanju u zemljišnim knjigama tako da se o prijedlogu Administrativne komisije u ovom dijelu ne može odgovarajuće očitovati.

DOSTAVITI:

- Naslovu
- Sekretaru (na znanje)
- U spis



PRAVOBRANILAC

Jasmina Karović

SPORAZUM

o davanju na korištenje Komplexa "Bijela Tabija" sa pripadajućim zemljištem, Općina Stari Grad - Sarajevo, nad kojom je nosilac prava raspolaganja Vlada Federacije BiH, Gradu Sarajevu

SPORAZUMNE STRANE

Federacija Bosne i Hercegovine - Vlada Federacije BiH, Sarajevo koju zastupa Sekretar Vlade gospodin Ismet Trumić.

i

Grad Sarajevo, kojeg zastupa Gradonačelnik Grada Sarajeva, gospođa Semiha Borovac

PREDMET SPORAZUMA

Čl. 1.

Vlada Federacije BiH daje na korištenje Gradu Sarajevu, bez naknade, Komplex "Bijela Tabija" Općina Stari Grad - ~~Sarajevo~~, a u skladu sa tačkom III Odluke Vlade Federacije Bosne i Hercegovine V broj 739/05 od 15.12.2005. godine i Zaključka Vlade Federacije Bosne i Hercegovine V broj 74/2006 od 09.03.2006. godine, regulišu ovim Sporazumom međusobne odnose u pogledu naknade komunalnih usluga i održavanja infrastrukture između Prijašnjeg Federalnog ministarstva odbrane i Grada Sarajeva.

Čl. 2.

Vlada Federacije BiH daje Komplex "Bijela Tabija" Općina Stari Grad, sagrađena na zemljištu označenom kao K.Č. 33, 3, 90, 5, 7, K.O. Sarajevo - Mahala, PL. br. 90 (stari premjer), što odgovara K.Č. br. 3255, upisane u ZKU XC/21. K.O. Sarajevo i XC/53. K.O. Sarajevo - Mahala (novi premjer), ukupne površine 15.180m², Gradu Sarajevu.

Čl. 3.

Prijašnje Federalno ministarstvo odbrane će u roku od petnaest (15) dana od dana potpisivanja ovog Sporazuma, zapisnički predati nekretnine iz čl. 2. Sporazuma Gradu Sarajevu, a sa kojim datumom prestaju i sve obaveze Vlade Federacije BiH - Prijašnjeg Federalnog ministarstva odbrane oko plaćanja svih komunalnih usluga (električna energija, voda, telefon, odvoz otpada i dr.), i održavanja infrastrukture od kada iste idu na teret Grada Sarajeva.

Čl. 4.

Prijašnje Federalno ministarstvo odbrane će u saradnji sa Zajedničkim štabom OS BiH materijalno tehnička sredstva koja su smještena u Komplexu "Bijela Tabija" Općina Stari Grad i ostalim objektima, a u skladu sa raspoloživim kapacitetima i potrebama, izmjestiti na druge perspektivne lokacije Vojske Federacije BiH.

Čl. 5.

Prijašnje Federalno ministarstvo odbrane će u saradnji sa Zajedničkim štabom OS BiH izvršiti odjavu i gašenje Komplexa "Bijela Tabija" Općina Stari Grad, shodno Uputstvu Komandanta EUFOR-a.

Čl. 6.

Sporazumne strane saglasne su da sve eventualne sporove ukoliko nastanu prilikom predaje na korištenje objekata i zemljišta navedenih u članu 2. ovog Sporazuma riješe u duhu dobrih odnosa i principima savjesnosti. Eventualna sporna pitanja riješavat će se pred nadležnim sudom u Sarajevu.

Čl. 7.

Odredbe ovog Sporazuma mogu se mijenjati sporazumno i biće regulisane aneksom Sporazuma u pisanoj formi.

Čl. 8.

Ovaj Sporazum sačinjen je u 4 (četiri) istovjetna primjerka i svaka strana potpisnica zadržati će po dva primjerka.


Čl. 9.

Sporazum stupa na snagu danom obostranog potpisivanja.

Za Vladu Federacije BiH
SEKRETAR VLADE
Ismet Trumić



Za Grad Sarajevo
Senika Borova



Broj: 03-02-388-15/06

Sarajevo, 11. 4. 2006. godine

BR : 01-40-4392/06
Sar., 07. 09. 2006.

Broj: 01-40-4392-1/06
Sarajevo, 07.09.2006. godine

PREDMET: Zapisnik o primopredaji lokacije Bijela tabija


Na osnovu člana 3. Sporazuma o predaji na korištenje kompleksa Bijela tabija, Općina Stari Grad Sarajevo, predstavnici Prijašnjeg federalnog ministarstva odbrane i Gradske uprave Grada Sarajeva izvršili su primopredaju, o čemu je sačinjen sljedeći

ZAPISNIK

Kompleks Bijela tabija, Općina Stari Grad Sarajevo, sagrađen na zemljištu označenom kao k.č. 33,3,90,5,7, KO Sarajevo – Mahala, PL br. 90 (stari premjer), što odgovara k.č. broj 3255, upisane u ZKU XC/21 KO Sarajevo i XC/53 KO Sarajevo – Mahala (novi premjer) ukupne površine 15.170 m², je neperspektivna lokacija Ministarstva odbrane i kao takva svojim izgledom i položajem predstavlja kulturno-historijski spomenik, pa dalje održavanje i brigu predaje u nadležnost Gradskoj upravi Grada Sarajeva.

Ovaj zapisnik sačinjen je u dva istovjetna primjerka, od kojih svaka strana zadržava po jedan.

PRIMILA:

Ispred Gradske uprave
Grada Sarajeva

Arijana Musić

PREDAO:

Ispred Prijašnjeg federalnog
ministarstva odbrane


Abid Izmitlić



**KANTONALNI ZAVOD ZA ZAŠTITU
KULTURNO-HISTORIJSKOG I PRIRODNOG NASLIJEĐA SARAJEVO**

INSTITUTE FOR THE PROTECTION OF CULTURAL-HISTORICAL
AND NATURAL HERITAGE OF CANTON SARAJEVO

DOP	OJ	Šifra	Veza
	200	210	

Bosna i Hercegovina-Federacija Bosna i Hercegovine

**BOSNA I HERCEGOVINA
FEDERACIJA BOSNE I HERCEGOVINE**

**KANTON SARAJEVO
GRAD SARAJEVO
GRADSKA UPRAVA**

Služba za urbano planiranje i stambene poslove

04. 02. 2016.			
08	23	498	

Broj: RA – 138/16

Datum: 02.02.2016.

Predmet: Korištenje lokacije Bijele tabije za potrebe Festivala "Sarajevska zima 2016"

Vezano za Vaš zahtjev za izdavanje mišljenja o zahtjevu za korištenje objekta Bijela tabija u periodu 05.-08.02.2016.god. za potrebe Festivala "Sarajevska zima 2016" podnesenom od strane Internacionalnog festivala Sarajevo - Sarajevska zima, obavještavamo Vas o sljedećem:

Bijela tabija je vrijedan kulturno-historijski spomenik koji je Rješenjem Gradskog zavoda za zaštitu spomenika br.397/71 od 21.06.1971.god. stavljen pod pravnu zaštitu kao spomenik kulture, a u Registar zaštićenih spomenika upisana je Rješenjem br. 4006/71 od 09.09.1971.god. Bijela tabija se nalazi u sklopu nacionalnog spomenika graditeljske cjeline Starog grada Vratnika u Sarajevu, koji je Odlukom Komisije/Povjerenstva za očuvanje nacionalnih spomenika, br.05-1-2-269/04-6 od 16.03.2005.god. proglašen nacionalnim spomenikom Bosne i Hercegovine. Kao što Vam je poznato, od 2003.god. Bijela tabija je organizovano gradilište na kojem su se kontinuirano izvodili sanaciono-restauratorski radovi i arheološki istražni radovi. U cilju zaštite saniranih dionica i nastavka radova, ulaz u objekat je zaštićen zaštitnom ogradom i kapijom koja je u međuvremenu otuđena.

Bijela tabija je u nekoliko navrata bila lokacija na kojoj su vršena snimanja za potrebe realizacije televizijskih projekata, što je u cilju afirmacije naslijeđa, kulture uopšte i podrške bosanskohercegovačkim projektima bilo podržano od strane ovog Zavoda.

U cilju zaštite saniranih dijelova objekta i trenutno nezaštićenih zidnih struktura koje su dio arheološkog lokaliteta, ovaj Zavod je, kao voditelj sanaciono-restauratorskih radova na Bijeloj tabiji, za potrebe boravka na lokalitetu (dosadašnji slučajevi korištenja prostora unutar objekta Bijela tabija i objekata koji pripadaju Kompleksu - objekat "konjušnice"), sugerišao određene zaštitne mjere, i to:

- Ne dozvoljavaju se nikakve intervencije na fizičkoj strukturi koje na bilo koji način tretiraju materijal i na njemu ostavljanju tragove, te time izazivaju devastacije (bušenje, probijanje, štemanje zidova, ankerisanje ili drugi vid pničvršćivanja, grafiti,...).
- Instaliranje eventualne rasvjete i druge potrebne opreme mora imati montažno-demontažni karakter, odnosno, mora biti realizovano po principu postavljanja slobodnostojećih držača, statički stabilnih.
- Kako se kao rezultat arheoloških iskopavanja u unutrašnjosti objekta nalaze trenutno otvorene i nezaštićene arheološke sonde (neke sonde su duboke i do 5,0 m), na kojima su planirani konzervatorski radovi, kretanje ovlaštenih lica i instaliranje eventualno potrebne opreme treba organizovati maksimalno pažljivo, te se ne unuštati u korištenje prostora na navedenim mjestima.
- Obzirom da lokacija nije više zaštićena ogradom i kapijom, a vodi se kao arheološki lokalitet i gradilište u pripremi za nastavak radova, objekat nije u potpunosti siguran za boravak (npr. otvori - puškarice na "kuli" i sam plato oko "kule" su potpuno neobezbjeđeni), tako da u periodu korištenja lokacije i objekta ne preporučuje se izlazak na plato.



**KANTONALNI ZAVOD ZA ZAŠTITU
KULTURNO-HISTORIJSKOG I PRIRODNOG NASLIJEĐA SARAJEVO**

INSTITUTE FOR THE PROTECTION OF CULTURAL-HISTORICAL
AND NATURAL HERITAGE OF CANTON SARAJEVO

DOP	OJ	Šifra	Veza
	200	210	

- U sklopu kompleksa Bijela tabija, na njenoj sjevernoj "ulaznoj" strani trenutno egzistira objekat tzv. "konjušnica". Zidovi objekta su statički nestabilni, a prisutna je stalna degradacija i urušavanje kamenog materijala. Tokom boravka na lokaciji, služba zaštite ne preporučuje ulazak u ovaj devastirani objekat, niti korištenje ovog prostora.
- Za sigurnost ljudi/učesnika u projektu koji se realizuje na lokaciji Bijele tabije i eventualno nastale štete na objektu i prostoru, organizator projekta snosi punu odgovornost.

Kao služba zaštite i voditelj sanaciono-restauratorskih radova na Bijeloj tabiji, saglasni smo sa korištenjem lokacije Bijele tabije za potrebe Festivala "Sarajevska zima 2016" uz poštovanje naprijed navedenih zaštitnih mjera.

Obzirom da je objekat Bijela tabija dio nacionalnog spomenika "Graditeljska cjelina - Stari grad Vratnik u Sarajevu", saglasnost za planirano korištenje lokacije potrebno je da tražite i od Zavoda za zaštitu spomenika pri Federalnom ministarstvu kulture i sporta.

S poštovanjem,

v.d. Direktor:


Valida Čelić Čemerlić, dipl.ing.arh.

Dostaviti:

- **Naslovu**
- Službi zaštite
- Arhivi